

## CONCLVSIONES

Ex

Teol

UNIVERSA THEOLOGIA

Teol.

6479.

SELECTÆ

quas  
Sub auspiciis

ILLUSTRISSIMI, &amp; REVEREN-

DISSIMI DOMINI

D. IOSEPHI

De WYHOW

WYHOWSKI

EXARCHÆ TOTIUS RUSSIÆ, EPISCOPI  
LUCEORIENSIS, & OSTROGIENSIS,nec non Comitis Sacri Romani  
Imperij.

Publicè defendendas exponunt

*Alumni Collegij Pontificij Léopoliensis, sub directione**Clericorum Regularium S. Sedis Apostolicæ  
Missionariorum in Regno Poloniæ.*

Annô Domini 1726. Mense Junij Die







220247 III



ILLUSTRISIME ac REVERENDISIME

P R Æ S U L.



*V*ltima Theologici Cursus subituri certamina, non alio muniri desideravimus Patrocinio, quàm Gentilitijs pennatum Tuorum insignibus Illustrissime ac Reverendissime Præful. Si enim Regina volucrum Aquila, quæ Hieronibus Regnum Tarquinijs portendit Imperium ipsumquè Jovem ad Divinitatem scandentem, suis humeris subvexisse fertur, non nisi felices exorsus, felicioresquè exitus ominatur nonne WYHOWSCIORUM illustrata Nominè secundos nobis denunciabit magis quàm promittet eventus? Militavit sanè armigera Prosapiæ Tuæ Aquila pro Tua & antenatùm Tuorum gloria, nec eousquè Sarma-  
(1) tico



tico certare desiit cum solio donec æviternum Proceribus  
Tuis Nomen Tibi verò Præsuleum simul ac Exarchale por-  
rexerit Diademma. Ipsa Sola nobis etiam tacentibus loqui-  
tur majorum Tuorum series, cujus vocibus si audacem nimis  
aptare tentamus auditum, boni superi qualis rumor & stre-  
pitus qualis per gloriosissimas Famæ tubas transmissus sen-  
titur! tot Romani Imperij Comites, tot Duces, tot Præsul-  
es, Nobilitatem à Romanis Cæsaribus cum Stemmata de-  
rivatam Regios etiam mores præferentes non modò meri-  
tis debita probant prima honorum culmina, quæ in Polonia  
& cæteris nationibus occuparunt, verum etiam Regali scep-  
tro sese dignos ostendunt. Loquitur litera Vestra ABDANK  
& obscurata Lacedæmoniorum Lambda, non scutis tantum  
sicut illa inscribi, sed Regiis etiam Coronis & Insulis incidi de-  
bere Jure merito intendit. Simplex equidem illa fuit modi-  
cumquè Virtutis habens Græcorum Litera, Tua è contra  
de binis copulata nexu certò certius tritam illam promerebi-  
tur Epigraphem Virtus unita fortior. Verum quid abavi-  
ta Domus Tuæ pulso decora. Hæc enim tota quanta sunt  
quamvis certè maxima in Te eo Nomine adhuc majora mi-  
rantur quòd illa vix Tua voces, & ad veram gloriam quæ  
egregiè factis comparatur sic incumbas quasi illa hæredita-  
ria non haberes. Testes sunt Luceorienses Ædes & altaria  
à Tua magnanima pietate, aut restaurata, aut erecta tota-  
què Tua Diœcesis promulgare non desinit quanto in refor-  
manda Ecclesiasticorum morum disciplina, in Divino pro-  
movendo cultu exardeas desiderio. Redivivum sanè Pau-  
lum maximum illum Christi te diceret Apostolum, nisi quo-  
tidie magis in dies accrescentem virtutibus, verum te cogno-  
sceret IOSEPHUM. Lætatur gloriosa duos simul unà Ger-  
manos Fratres in Latina & Ruthena Cathedra eodem tēpore  
spectasse sedentes & tunc potuit se in illa muliere præfiguratā  
credere cui Pathmæus Vates duas ad volandum alas submi-  
nistra-



nistratas vidit cum verè *WYHOWSCIORUM* Aquilæ alis  
innixa interrupto cursu ad veram felicitatem avolaret: &  
certè alteriùs fata inconsolabili fletu deploraret, nisi in Te uno  
utriusquè virtutem superstitem adoraret. At cur domesticos  
adhibeo testes, quorum Fides in Tui commendatione suspecta  
esse potest pro ea quâ in Te sunt benevolentia animati? Nos  
nos ipsi testes sumus, qui Te in noviter inceptis Alumnorum  
foundationibus hujus Collegii Confundatorem veneramur. U-  
niversa testis est *Russia*, quæ in *Zamosciana* Synodo collecta  
suaves Tui Judicii effusos flores, suppeditata ad Ecclesiæ *Roxo-*  
*lanæ* firmitatem fundamenta, ubique deprædicat. Nec re-  
ticere unquam poterit insignem Tui animi humanitatem li-  
beralitatemquè, quam deinceps in Tua Cathedra collocati pro  
ejusdem Synodi Promulgatione experti sunt totius *Russiæ*  
*Antistites*. Hoc unum restat *Exarcha Illustrissime* ut si in  
Divinarum rerum contemplatione in sectandis Virtutibus  
gressus Aquilæ imitaris (quod ut non deficiat immortalem  
*DEUM* exoramus:) ut scilicet renovetur ut Aquilæ juven-  
tus Tua. Æquum est ut si senilem maturitatem à teneriori-  
bus annis coluisti in qualicunque etiam seniori ætate robusta  
Tibi contingat juvenus. Necessarium est, ut ad communis  
nostræ felicitatis incrementum, ad Universi Orbis solatium,  
renovetur semper ut Aquilæ juvenus Tua. Dixi.



THE HISTORY OF THE  
CITY OF BOSTON  
FROM THE FIRST SETTLEMENT  
TO THE PRESENT TIME  
IN TWO VOLUMES  
BY NATHANIEL BENTLEY  
VOL. II.





# DE SACRA DOCTRINA

I.



Sacra illa & Theologica Doctrina, cui si ex defectu levidentia ratio scientia rigorosè accepta in nobis non competit, scientia saltem minus strictè sumpta. & quidem partim practica & partim speculativa, quin imò & sapientia nuncupari potest, & est, quamvis singulis hominibus in particulari necessaria non sit, toti tamen Ecclesiæ si non simpliciter summæ utilitatis, & *secundum quid* necessaria est, Deumquè respicit, tanquam materiale, attributionis objectum, nec non Deitatem ipsam, prout cadit sub revelatione virtuali, pro objecto formali, ita ut Deitas sit ratio formalis *quæ*. revelatio vero virtualis, ratio formalis *sub qua*. Hæc habitus est mentis, quo præsidio Divinæ revelationis,

accedentibus adminiculis naturalium rationum propugnamus, & confirmamus Christianam fidem, Inconcussa quædam habens principia, ex quibus sua argumenta desumit nempe.

II.

EX Sacra Scriptura, quam ultro existere Catholicè præstitemur, Spiritu Sanctò non assistente tantum, sed verba, & minimos usquè apices dictante elaboratam dicimus, & multis Idiomatibus, versam fuisse scimus. Et quamvis ex Græcis versionibus celeberrima fuerit versio, quam septuaginta Interpretes non in una congregati Basilica, sed singuli singulis inclusi cellulis, miraculosè ediderunt, modo tamen ex omnibus solam vulgatam, quam authenticam declaravit Tridentinum Concilium pro infallibili fidei nostræ regula recognoscimus, in qua duplex attendendus est sensus, litteralis scilicet & mysticus, quorum primus firmum suppeditat argumentum pro fide & moribus, secundus vero non, nisi gravis illi adjiciatur auctoritas.

III.

EX Sacra traditione cujus existentiam perperam impugnant Hæretici contra quos verè dari & (dummodo Divina sit, & ab humana per determinatas, notas discreta) eadem autoritate, ac scriptura Sacra pollere propugnamus, cum DEI verbum non à charta vel à voce, sed ex eo quod à DEO profectum sit, propriam autoritatem desumat.

IV.

EX definitionibus Romanæ seu Pontificiæ Ecclesiæ quæ est cætus, fidelium in eodem corpore, sub eodem capite, in unius fidei professione viventium. Quare sive prædestinati, sive reprobi, sive perfecti, sive peccatores, dummodo hæretici manifesti, ac Schismatici non sint, corpus hoc mysticum componunt, extra quod nulla salus, nulla quies haberi potest.

V.

EX summorum Pontificum oraculis. Summus namq; Romanus Pontifex Divo Petro succedens in monarchico Ecclesiæ regimine, quem JESUS Christus Dominus noster instituit, ipsique tradidit per illa verba *pascæ oves meas*. Succedit quoquè in plenitudine potestatis, in infallibilitate quo ad fidei & morum controversias definiendas, adeo ut dum universam docet Ecclesiam independentem etià à Conciliis, errare nunquam possit. Eo ipso autem quod Pontifex est ab universâ Ecclesia acceptatus de fide tenendum est, *v.* sum esse Pontificem. Quare hoc idem dicendum est, de hoc numero homine Benedicto XIII. quem de fide credimus esse verum Pontificem Petri successorem.



- VI.** **E**X Sacris Ecclesiæ Conciliis, in quibus sedere ut Iudices non ex quocunque genere homines possunt, sed soli Episcopi de Jure, Cardinales ex consuetudine, Abbates & Religionum Generales ex privilegio: Concilia Generalia convocare solius Romanæ Pontificiæ authoritatis munus est, ijsq; præsidere convocatis, vel per se, vel per Legatos suos ad Romanum Pontificem solummodo spectat. Quin imo si ab ipso Pontifice congregata & confirmata sint, eorum circa fidem & mores decreta fide Divina credenda sunt, secus tamen si seorsim à Romano Pontifice, & antecederet ad illius approbationem considerentur. Hinc est quod Generale Concilium, non est supra Pontificem, sed potius hic absolute & simpliciter est supra Concilium, nec à Pontifice ad Concilium appellare licet.
- VII.** **E**X Sanctis Ecclesiæ Patribus, quales dicuntur, qui ob eminentem doctrinam, insignem vitæ sanctitatem, & competentem antiquitatem ut tales sive tacite agnovit, sive expresse declaravit Ecclesia, ex quibus si pauci silentibus cæteris, aut ex altera parte reclamantibus aliquid doceant, tunc ex eorum authoritate non certum, sed probabile defumitur argumentum, si vero omnes moraliter, in unam eademq; conspirent sententiam, in explicatione alicujus Sacræ scripturæ textus, argumentum erit infallibile.

## DE DEO UNO

- I.** **D**EUM existere fide credimus, & à posteriori demonstrare possumus, nullatenus vero à priori, unde propositio hæc *DEUS existit* est per se nota quoad se, licet talis non sit quoad nos; nihilominus, ita facile innotescit, ut alicujus Numinis existentia penes Regnū aliquod, aut Provinciā ignorantia invincibilis non reperiatur. Hujus DEI essentia quæ physicè accepta, includit totum esse absolutum, & relativum DEI, metaphysice considerata in solo prædicato assitatis consistit.
- II.** **D**EUS summè simplex est, immutabilis, immensus, æternus. Simplicitas excludit qualemuncq; compositionem physicam, & metaphysicam, & extrinsecam, quæ dicitur *ex his*, non autem extrinsecam quæ dicitur *cum his*. Immutabilitas se extendit ad omnes actus, nedum necessarios, sed etiam liberos. Ratione Immensitatis DEUS est substantialiter præsens omni creaturæ in omni loco, non tamen in spatiis imaginariis, siquidē non per distantia, sed per operationē fit formaliter præsens. Æternitate demum coexistit DEUS tempori & creaturæ, pro eo tunc, quo realiter existunt, non autem ab æterno, nisi objective. Divina attributa quæ nullam, sive realem, sive formalem ex natura rei distinctionem admittunt, sola distinctione rationis ratiocinata ab essentia & inter se distinguuntur.
- III.** **N**ullus oculus corporeus, nullaque materialis potentia etiā supernaturaliter elevata, neq; intellectus in solis naturæ viribus constitutus DEUM ut est in se intueri potest, secus tamē sentiendum est de intellectu creato, per supernaturale auxilium aliquod elevato; hoc tamen non obstante nec DEUM comprehendere valebit, nec possibilis est creatura, cui connaturalis sit visio DEI intuitiva.
- IV.** **A**uxilium de lege ordinaria humanum intellectum elevans non est nisi Lumen gloriæ, idest qualitas quædam supernaturalis permanens per modum habitus intellectui inhærentis: quod lumen gloriæ licet per immediatum influxum ad Beatificam producendam visionem concurrat, tota tamē ratio agendi non est: Quin imò activè quoque & immediate intellectus ipse concurrat, cum quo tamen stat, ut visionis inæqualitas à sola luminis inæqualitate petenda sit, adeo ut major vel minor perfectio naturalis in intellectu impertinenter se habeat. Verum absolute loquendo satis erit ad visionem si intellectiva potentia elevetur per qualitatem transeuntem vel si ipsi extrinsecè assistat Divina Omnipotentia præbens concursum suum supernaturalem & indebitum.
- V.** **P**ossibilis est species impressa creata DEI quæ sit accidens objectivum essentiæ Divinæ tanquam instrumentum libere assumptum ad concurrendum influxu objectivo ex parte DEI in visionem Beatam; verum si loquamur de facto DEUS per se ipsum immediate per essentiam suam sese intellectui Beatorum manifestat.
- VI.** **Q**uamvis non repugnet, quod visio DEI sit præcisiva, ita ut videatur essentia Divina, attributis & Personis formaliter non visis, vel unum videatur attributum non aliud, vel una non altera Persona, Beati tamen revera vident essentiam, Personas, & attributa, non tamen omnes habitudines & respectus, seu gradus & modos omnes attri-



butorum. Cognoscunt insuper aliquas creaturas ex vi visionis formaliter, aliquas ex vi visionis causaliter; ex existentibus etiam, futuris contingentibus, & secretis cordium, eorum notitiam habent, quæ ad proprium statum pertinent.

VII. **S**cientia quæ in DEO verè datur, non est habitus, nec qualitas, aut accidens sicuti, scientia creaturarum, sed propriissimum Divinæ essentiae attributum, quod ita perfectum concipimus, ut in ipso nullum cognoscamus actum primum intelligendi, sed solam non repugnantiam ad intelligendum, & actualem ipsam intellectionem, cujus primum & adæquatum objectum est. Divina essentia, terminativum vero & secundarium omne cognoscibile. Hæc Divina cognitio ut pote infinita, adæquat & absorbet Divini objecti cognoscibilitatem, ideoq; DEUS seipsum, in seipso immediatè & perfectissimè, comprehendit.

VIII. **T**rifariam ex parte objecti Divinam scientiam dividimus. Prima, quæ scientia simplicis intelligentiæ vocatur, quæque sola est, causa rerum, videt DEUS possibilia omnia, non in seipso solum, verum etiam in se ipsis terminativè. Secundà quæ visionis dicitur, quidquid absolute futurum est, sive effectus naturales sint, sive actus nostri liberi, & quidem non in eorum reali præsentia, in nunc æternitatis, vel in Divinis idæis, causisvè proximis, nequè in aliquo decreto scientiam mediam antecedente, sive prædeterminante, sive concomitante, sed in se ipsis clarissimè intuetur. Tertia deniquè est scientia media ita dicta, eò quod inter scientiam simplicis intelligentiæ, & scientiam visionis mediat, qua DEUS omnia futura libera conditionata, in seipsis perfectissimè cognoscit. Quare admittendum non est, tanquàm medium hujus Divinæ cognitionis decretum prædeterminans, aut condeterminans quamvis ponatur absolute ex parte actus & conditionatum ex parte objecti.

IX. **C**UM ex invisibilibus rationibus idæalibus in verbo DEI per quod omnia facta sunt, res visibiles sint productæ, tot DEUS habet idæas rerum omnium producibilium, etiam in individuo, quot sunt res. quas producit, vel producere potest quæ idææ, sunt ipse res possibiles, à DEO cognitæ ut factibiles.

X. **Q**uemadmodum repugnat in DEO intellectus, per modum actus primi physici, ita & voluntas quæ infinite perfecta ponenda est in DEO, nec aliud habere potest formale objectum, quam ipsam Divinæ essentiae bonitatem, licet materiale objectum ad omne id extendatur quod habet rationem boni, aut mali tum physicè, tum moraliter accepti. Hac voluntate tendit DEUS erga seipsum amore necessario, quin imo etiam creaturæ possibiles, quas amat amore simplicis complacentiæ, cum necessariam dicant bonitatem, necessarium etiam terminant Divinæ voluntutis amorem.

XI. **D**ivina voluntas alia est efficax, alia inefficax. Hæc non consequitur finem suum, secus verò illa, quæ quamvis infallibiliter obtineat effectum, non propterea humanæ libertati præjudicat, posito scientiæ mediæ beneficio. Illa vero voluntas, qua vult DEUS omnium omninò & quidem singulorum hominum salutem, quamvis non sit sola voluntas signi, sed vera ac sincera voluntas beneplaciti, est tamen voluntas antecedens, & solum conditionate efficax.

XII. **V**era & propria libertas Divinæ voluntati formaliter competit, cujus liber actus congruentius explicatur, per hoc quod sit ipse actus necessarius ob sui illimitationem, & intrinsecam Divinæ voluntatis libertatem, ad creaturas seipso liberè terminatus, absque ulla sui mutatione, ita ut supra actum necessarium, nihil addat, nisi diversam terminationem ad objectum creatum, quæ simpliciter & entitativè sit indefectibilis, deficere tamen possit secundum quid, & denominativè.

XIII. **N**ulla datur quantumvis minima ac vilis creaura, quæ exactissimo Divinæ Providentiæ non subiaceat imperio, & dispositioni mirabili. Hanc tali pacto Catholicè admissam, non in solo actu intellectus ac voluntatis disiunctivè, sed in utroque coniunctim sumpto consistere volumus.

XIV. **C**UM certum sit neminem salvari, aut damnari neminem, nisi qui ab æterno irrefragabili DEI decreto, electi sunt ad gloriam, vel reprobati ad gehennam, utrumquè tamen, sive prædestinationis, sive reprobationis decretum supponit merita absolute prævisa quod, [loquendo de reprobatione] non solum debet intelligi contra Calvinum, quatenus est damnatio ad pænam. verum etiam quatenus est exclusio à gloria.

XVI. **L**iber vitæ & mortis, per quem nihil aliud intelligimus, quam cognitionem certam, & perspicacem electorum & reproborum in DEO certè datur, & in hoc semel adscriptus, obliterari & deleri nullatenus potest.



# DE DEO TRINO.

- I. **I**neffabile Trinitatis mysterium utpote supra non contra captum, nulla naturali ratione probari potest, hoc tamen ita credendum est, ut exprobata sabellianorum stultitia per nomina Patris, & Filii, & Spiritus Sancti non diversitatem officij, sed realem trium personarum distinctionem in Sacra scriptura nobis revelari fateamur, quin destruat unitas illa essentiae inter Personas, quam non similitudinariam & collectivam ut voluit Ioachim Abbas, sed verè essentialem profiteamur.
- II. **Q**uinimo tanta est trium Personarum in essentia unitas, ut Filius sit verè homousion, hoc est consubstantialis Patri sicut contra Arium definivit Ecclesia, quod etiam de Spiritu Sancto cum Patre & Filio contra Macedonium decretum est, ut in confessione Trinitatis Personarum omnimoda in essentia unitas, in potentia & maiestate adoretur aequalitas.
- III. **Q**uamvis ex operibus Trinitatis ad extra, quae sunt specialiter manifestativa potentiae Patri, quae sapientiae Filio, quae bonitatis Spiritui Sancto appropriative tribuantur, revera tamen proprie loquendo indivisa esse [ ut fert commune Theologorum axioma ) fide & ratione comprobatur.
- IV. **D**atur processio realis ad intra, secundum quam una persona procedit & producit ab altera; Ex processionibus duae passivae sunt quae realiter inter se distinguuntur, quibus duae correspondent activae non tamen realiter distinctae, ita ut generatio activa in Patre, correspondeat generationi passivae Verbi, & spiratio activa in spiratore qui est Pater & Filius correspondeat spirationi passivae Spiritus Sancti. Inter processiones passivas hoc ponit fides Catholica discrimen, quod processio Filij generatio dicatur, & id Spiritus Sancti processioni non conveniat, quae processio simpliciter, vel spiratio passiva dicitur. Hujus autem discriminis, alia probabilius non assignatur formalis ratio, nisi quia processio Filij tendit ad communicandam naturam cum fecunditate, secus vero processio Spiritus Sancti.
- V. **Q**uatuor in Divinis sunt reales relationes originis, quae cum essentia comparatae, sola distinctione rationis ratiocinatae distinguuntur. Si vero inter se considerentur, licet Paternitas, Filiatio, & spiratio passiva, realiter distinguantur, spiratio tamen activa, à Paternitate & Filiatione, non realiter, sed ratione, sicuti ab essentia distinguitur. Hinc relationibus secundam praecisam rationem *Ad consideratis* non competit perfectio virtutis, seu qualificativa, & excellentiae, adeo ut hoc modo acceptae relationes, perfectionem non dicant relativam, quae sit distincta, à perfectione absoluta essentiae.
- VI. **T**res sunt in DEO subsistentiae relativae sumpta subsistentia pro tali complemento rei, quae ita per se stet, ut incommunicabilitatem dicat, verum praeter tres relativae admittenda est etiam una absoluta, sumpta subsistentia pro complemento rei, quae ita per se stet, ut in ea linea perfici non indigeat.
- VII. **R**atio Personae quae in sensu proprio convenit DEO, licet importet quid absolutum, & relativum, formaliter tamen relationem dicit, ita ut Personae Divinae, proprietatibus relativis constituentur. Tres sunt haec Personae, quarum primae tantum convenit nomen Patris, Ingeniti prout omnem productionem excludit, principij inprincipiati, prout exprimit primarium fontem Divinitatis. Secunda duntaxat Filius, Verbum, & Imago dicitur. Tertia Spiritus Sanctus nuncupatur, quod vocabulum si deducatur à spiratione passiva, adeo ut idem sit ac spiratus, solius tertiae personae proprium erit.
- VIII. **T**urpiter errarunt circa processionem Spiritus Sancti Graeci, Schismatici, putantes à solo Patre procedere, cum verè aeternaliter, & pariter procedat à Patre & Filio, non tanquam ex duobus principiis, sed tanquam ab uno, non duabus, sed unica spiratione. Hoc tanquam Catholicò dogmate juxta Sacrae Scripturae, Conciliorum, Sanctorumque universalis Ecclesiae Patrum sensum propugnato, licitum fuisse dicimus Ecclesiae addere symbolo fidei particulam illam *Filioque* veritatis declarandae gratia, & urgente tunc necessitate. In hypothese tamen impossibili, quod Spiritus Sanctus non procederet à Filio, ab illo realiter non distingueretur, cum in Divinis omnia sint unum, ubi non obstat relationis oppositio.

## IX. DE ANGELIS ET BEATITUDINE. Sub



- I. **S**ubstantias omnino spirituales, naturâ suâ incorruptibiles, & immortales, soloque extraordinariâ Divinâ omnipotentia imperio destruibiles, quas Angelos nuncupamus existere fides docet & ratio naturalis quæ evidenter demonstrare non valet, satis probabiliter ostendit. Plures sunt Angelorum species, quas differre numero nullatenus repugnat, quinpotius probabilius est, plures esse ejusdem speciei Angelos, solò numerò differentes.
- II. **S**pecies objectorum vicarias, quibus indigent Angeli ad cognoscenda alia à se, probabilius est non desumi ab objectis etsi spiritualia sint, nec emanare ab Angelorum substantia, sed fuisse à DEO productas, in principio eorum creationis, & unicuique infusas iuxta exigentiam propriæ perfectionis.
- III. **A**ngeli præter cognitionem DEI & sui, rerum etiam naturalium existentium cognitionem habent, futura tamen quæ à libero arbitrio pendent non nisi coniecturaliter cognoscunt, Arcana etiam cordium certo & infalibiliter citra consensum exercentis vim dominativam erga actus suos connaturaliter ab eorundem intellectu penetrari nequeunt. Latent denique Angelos independentem ab indebita revelatione objecta quo ad substantiam supernaturalia, non tamen supernaturalia quo ad modum. Hinc est quod in ijs in quibus evidentem cognitionem non habent, potest Angelica cognitio esse discursiva & subesse falsitati.
- IV. **L**ocutio Angelica non rite explicatur per recursum ad signa sensibilia, aut intellectualia, neque per hoc quod loquens immediatè proprio actu quem intendit manifestare causet in intellectu audientis ejus speciem aut impressam, aut expressam, sed formaliter habetur per hoc, quod Angelus loquens ordinet conceptum suum ad alium, cum intentione quod ei innotescat: Quod si hæc ordinatio, seu cognitio reflexa conceptum directum non præsupponeret, loquens mentiretur. Illuminatio autem habetur per hoc, quod Angelus superior proponat inferiori objectum antea ipsi incongnitum modo quodam ei proportionato.
- V. **V**oluntas Angelorum in pura natura considerata, amat quidem necessario quo ad specificationem Deum et seipsos, libere tamen quo ad exercitium. Cum Angeli neque ubique sint neque nullibi, indigent ubicatione distincta consona eorum naturæ, modo scilicet superaddito, quo definitivè locentur toti in toto, & toti in quâlibet parte spatii, & licet plures Angeli possent esse in eodem loco & quidem naturaliter, non potest tamen unus Angelus esse in pluribus locis.
- VI. **I**n primo creationis instanti habuerunt Angeli gratiam Sanctificantem, & quidem dependentem à propria dispositione. In eodem præterea instanti, habuerunt quidem potentiam physicam ad peccatum, non tamen moralem, posita viuida cognitione boni honesti, & ultimi finis, ac solum remissa apparentia boni delectabilis avertentis ab honesto, subsequenter tamen potuerunt peccare, & defacto peccavit Lucifer cum suis asseclis per hoc quod Christo, ut homini venturo negaverit subjectionem, quam ab illo DEUS exigebat.
- VII. **Q**uod est hominibus mors, hoc fuit Angelis lapsus, proinde post lapsum non fuit illis penitentia locus, hæc itaque causa est eorum obstinationis in peccato, quæ refundenda non est in eorum inflexibilitate, aut immutabilitate voluntatis Angelicæ, relate ad objectum, cui semel adhæsit, quæ non est admittenda, sed solum in statum termini, in quo sunt ubi non habent à DEO auxilia, sine quibus non possunt salutariter operari & penitere. Commisso itaque peccato, post breve illud viæ tempus Angelis concessum damnati fuerunt ad tartara, ubi ab igne etiam corporeo torquentur, per hoc probabiliter, quod sint illi alligati, ex qua alligatione cognita, & nolita admodum tristantur, & torquentur.
- VIII. **B**eatitude supernaturalis, quæ est ultimus finis creaturæ rationalis elevatæ, quamvis physice considerata integretur per satietatem formalem omnium potentiarum, metaphysice tamen, seu sumpta pro illa operatione, quæ primo DEUM assequitur, essentialiter satiat, explètque primam creaturæ rationalis inclinationem, & radicaliter seu causaliter in actu exercito cæteras inclinationes radicata in prima formaliter consistit in sola visione DEI, quam naturaliter sequitur amor.

## DE HOMINE ET ACTIBUS HUMANIS,

- I. **H**umana natura, quæ in Protoparente nostro Adamo DEUM habuit Auctorem, locum illum voluptatis, qui terrestris paradysus nuncupatur, ubi positus fuit Adam & ex ipsius costa efformata Eva, destinatum habuit, post peccatum ta-  

B

men



men expulsi, & iustitia originali privati fuere primi nostri Parentes & hanc vallem lachrimarum incolere ceperunt, ubi peccato per pœnitentiam deleta, æternam salutem post mortem consecuti sunt in cœlo.

I I. **Q**uinq̃e communiter assignari solent humanæ naturæ status in via, nempe puræ naturæ, status naturæ integræ, status iustitiæ originalis, status naturæ lapsæ & status naturæ post lapsum per Christum reparatæ, in quo ex Divina misericordia nos sumus; & quamvis nullus unquam creatus fuerit homo in pura natura, hoc tamen non repugnare certum est, ita ut possibilis sit creatura, quæ nec habeat peccatum, nec gratiam sanctificantem, nec perfectam subjectionem appetitus ad rationem, nec immortalitatem, sed naturales duntaxat facultates, & divinum concursum ad suas naturales operationes necessarium.

II. **A**ctus quibus humana natura ad ultimum suum finem tendit, esse debent voluntarii & liberi. Voluntarium illud est quod procedit à principio intrinseco cum cognitione perfecta, & propterea ita acceptum soli naturæ rationali convenit, quæ si voluntariè necessariò feratur in aliquod objectum necessitate orta ex perfectione objecti, habebit voluntarium perfectius ipso voluntario libero. Potest dari voluntarium & liberum absque ullo actu formali & explicito voluntatis etiam secluso præcepto, ideoque puram omissionem liberam non repugnare dicimus, ad quam solum est necessarium præceptum ponendi actum ad hoc ut peccaminosa, nullatenus verò, ut sit libera & voluntaria.

IV. **V**oluntario violentum, & involuntarium opponitur. Violentiam pati nequit voluntas in suis actibus elicitis prout violentia importat coactionem tanquam à principio activo, bene vero in suis actibus imperatis. Hæc violentia à DEO creaturis inferri potest in ijs, quæ naturales vires non excedunt; nullam tamen infert violentiam, dum agit in creaturis aliquod supernaturale, puta infundendo formam aliquam supernaturalem. Involuntarium causat ignorantia antecedens, & invincibilis, secus verò vincibilis, & consequens. Quæ vero fiunt ex metu tantum secundum quid involuntaria sunt. Tandem concupiscentia antecedens licet imminuat liberum, auget tamen voluntarium.

V. **L**iberum arbitrium convenit homini etiam in statu naturæ lapsæ, quare non solum habetur libertas à Coactione & violentia, sed etiam libertas indifferentiæ importans ut voluntas positis omnibus requisitis ad agendum possit agere vel non agere. Imò hæc omnino necessaria est ad merendum vel demerendum.

VI. **C**um duplex sit modus tendendi in voluntate prosecutivè scilicet & averfativè, ideo voluntas adæquatè accepta habet pro objecto & bonum & malum, quod sufficit si tale appareat, ita ut per actus prosecutionis respiciat bonum, malum verò per actus fugæ, & quemadmodum tendere potest ad bonum absque ullo respectu ad malum, ita pariter ad malum absque ullo respectu ad bonum.

VII. **A**ctus morales non dividuntur adæquatè in bonos & malos cum dentur actus morales secundum speciem indifferentes quin imò probabiliter indifferentes etiam in individuo, & hi non solum per accidens, vel ex opinione probabili, vel ex errore quod non detur obligatio referendi signatè omnes actiones nostras ad finem virtutis, & operandi semper ex amore honestatis, sed etiam per se, ita ut huiusmodi obligatio probabiliter non detur.

VIII. **P**rimam & essentialem moralitatem desumunt actus humani ab objectis qui tamen fieri possunt boni vel mali etiam à circumstantiis, & à fine extrinseco non tamen ab actu externo; formalis namque bonitas, aut malitia est duntaxat essentialiter in actu interno voluntatis, & in exteriori per solam de nominationem extrinsecam, adeo ut actus externus non dicat diversam bonitatem vel malitiam distinctam, seu supra bonitatem vel malitiam actus interni sed solum denominetur bonus à bonitate actus interni.

IX. **U**ltima regula moralitatis est Lex æterna DEI per dictamen rationis, seu conscientiam, quæ est regula proxima nobis intimata; huic conscientiam, si dubia speculative sit, dummodò tamen practicè sit certa conformari possumus. Et licet laudabilius semper sit sequi opinionem probabiliorem in concursu probabilis, licitum tamen est sequi opinionem minus probabilem relicta probabiliori & tutiori, idquæ in materia juris, non facti, ubi adest periculum vel damni proximi, vel in validitatis Sacramentorum.

X. **C**um DEUS omnium Adæ posterorum per naturalem generationem descendendum voluntates Protoparentis voluntati alligaverit, omnes homines, qui taliter in lucem eduntur, nascuntur filii iræ propter maculam Originalis peccati quam contrahunt, nisi specialis quis Privilegio eximatur, sicuti defacto ratione Maternitatis Divinæ excepta fuit Beatissima Virgo MARIA quæ etiam immunis fuit à debito proximo contrahendi peccatum originale. Si quis ex hominibus cum solo peccato originali moriatur, quamvis visione Beatifica in pœnam carere debeat, pœna tamen sensus nullatenus torquetur; qualem verò destinaverit DEUS locum pro talibus hominibus post finale iudicium incertum

val-



valde est, probabiliter tamen dici potest habituros fore locum aliquem obscurum & subterraneum utpotè magis proportionatum pro statu damnationis in quo sunt.

- X. I. **Q**uamvis restituatur nobis Innocentiæ stola in originali peccato deperdita, rursus tamen quandoquē in actualia peccata labuntur homines quod toties contingit, quoties actus nostri carent debita rectitudine seu conformitate ad legem æternam cum in negativo formaliter consistere putemus rationem formalem peccati, quod sicuti in ratione malitiæ ita etiam in ratione offensæ non est simpliciter infinitum, non obstante quod per hoc quod sit offensa DEI sit infinitum secundum quid & in ordine superiori ad qualemcunque offensam. Ipso actuali peccatō transactō remanet in peccatoribus quousque per penitentiam non deleatur habituale peccatum cujus ratio formalis in eo consistit, quod actuale præcesserit & moraliter perseveret in reatu odii Divini, & pænæ æternæ importante negationem condonationis & condignæ satisfactionis. Audiendi in hac materia non sunt Hæretici putantes nullum de se dari veniale peccatum cum verè aliqua sint peccata ex natura sua venialia tnequē æternā pænā digna.

## DE GRATIA JUSTIFICATIONE ET MERITO.

- I. **S**ine gratia Divina pro qua intelligimus Donum supernaturale excedens omnem naturæ exigentiam à DEO, à quo solo principaliter esse potest, nobis liberaliter collatum ad supernaturalem conferens Beatitudinem, quamvis posset homo in præsentis statu veritates aliquas naturalis ordinis cognoscere, non tamen omnes, sicuti etiam aliquod opus morale peragere bonum, non tamen DEUM diligere super omnia, neque omnes tentationes vincere, aut omnia evitare peccata, quin imò si de venialibus sermo sit ad omnia collectivè vitanda nec sufficit gratia quæ de lege ordinaria datur nisi speciali aliquo privilegio, quemadmodum in Beata Virgine tenet Ecclesia ut ait Tridentinum, præmuniatur.
- II. **A**d opus verò supernaturale exercendum omnino necessaria est gratia ita ut ad credendum sicuti oportet ad salutem & salutariter operandum ex nobis sufficientes non simus, sed sufficientia nostra ita ex DEO sit, ut non solum perficere, sed neque incipere credere, aut velle absque Divina Gratia possimus, & etiam si justus sit homo speciali Divino auxilio indiget ut possit ad finem usque perseverare.
- III. **D**ividitur principaliter gratia in actuale & habituale. Prima consistit in nostris actibus intellectus, & voluntatis, piis & supernaturalibus cogitationibus quibus apparet quod latebat & Sanctis inspirationibus quibus suave fit, quod non delectabat, propterea gratia præveniens ponenda non est in qualitate quadam mortua & non vitali. Secunda non est substantia, sed qualitas quædam supernaturalis physica animæ inhærens permanentèr qua homo redditur Divinæ naturæ particeps, DEI amicus, Filius adoptionis & æternæ Beatitudinis hares, & hæc realiter distinguitur à charitate, à qua tamen de ordinaria DEI potentia separabilis non est.
- IV. **A**ctualis gratia alia est sufficiens, alia efficax, cum prima habetur proxima & expedita sufficientia ad operandum, ratione cujus sit moraliter imputabilis operationis ommissio, secunda verò hoc debet salvare ut infallibiliter obtineat consensum absq; læsione libertatis ad meritum requisitæ. Hæc est specialissimum Donum DEI qui ex nullis præcedentibus meritis nostris, sed ex sola Benignitate decernit uni dare auxilium prævisum cum consensu conjungendum si daretur quin alter cui talis denegatur gratia conqueri ullo modo possit.
- V. **A**xioma illud *facienti quantum est ex se DEUS non denegat suam gratiam*. non est verum in eo sensu quod DEUS facienti quantum est ex se, per vires naturales non denegat suam gratiam quasi opera naturalia dicantur de congruo mereri gratiam, vel ad illam disponere sive positivè sive negativè, benè verò in eo sensu quod DEUS facienti quantum est ex se per vires gratiæ prævenientis & vocantis non denegat suam gratiam ulteriorem quousque justificationem & salutem obtineat, sicuti etiam quod ponenti per vires gratiæ actus supernaturales ultimò disponentes ad justificationem, infallibiliter gratia istia obtineatur.
- VI. **J**ustificatio per quam peccata non occultantur aut raduntur sed verè & propriè tolluntur, non habetur formaliter per actus supernaturales charitatis aut contritionis, neque per habitum ipsum charitatis, sed per solam gratiam sanctificantem, sine qua tamen



in aliena Providentia potest DEUS hominem justificare. Gratia presentis Ordinis quam modo unam justificationis formam esse diximus essentialiter justificat: ad hoc tamen salvandum dicendum est, quod præter esse supernaturale dicat dependere essentialiter à Divina promissione & esse veluti extrinseca DEI promissio, quâ DEUS se obligat ad amandum justum & dandam illi gloriam nisi velit amicitiam rescindere & gratiam amittere per peccatum, & hoc modo accepta gratia nequē Divinitus cum peccato componi potest.

VII. **S**ola Fides non sufficit ad justificationem peccatoris, sed alii etiam requiruntur virtutum actus & ea quæ requiritur fides non est specialis quædam fiducia qua unusquisquē in particulari credat omnia sua peccata propter Christi merita sibi esse remissa sed vera fides qua assentimur veritatibus revelatis nobis propositis. Sine hac fide aliisque actibus quibus peccator se disponat justificationem in presenti providentia non acquirit, licet absolute loquendo possit DEUS peccatum remittere absquē ullo prævio peccatoris actu.

VIII. **H**omo justus Viator operibus suis per gratiā factis reverā & propriē mereri aliquid à Deo potest vel de cōgruo vel de cōdigno. Ad hoc ut actus sit meritorius de cōgruo debet esse bonus, liber libertate indifferentiæ & elicitus ex auxilio gratiæ actualis, ut autem sit meritorius de condigno, requiritur ex parte ponentis actum status gratiæ, ex parte actus æqualitas, tandem ad perfectam condignitatem ex parte præmiantis requiritur Divina promissio, qua DEUS se obliget ad præmium conferendum.

IX. **P**rimam gratiam actualem necessariam ad primum actum bonum supernaturalem eliciendum nemo sibi mereri potest nec quidem de congruo, potest tamen justus mereri de condigno augmentum gratiæ & gloriæ & de congruo probabiliter reparationem post lapsum & Donum perseverantiæ, Et si quandoquē gratiam sanctificantem per peccatum amittat, opera ipsius in gratia facta solum mortificantur, adeo ut deleta peccato adæquatē reviviscant quoad jus ad præmium essentielle.

## DE VIRTUTIBUS THEOLOGICIS.

I. **O**bjectum materiale primum fidei Theologicæ est DEUS sub conceptu Deitatis, adæquatum verò prout comprehendit quidquid potest Fidei subesse est omne ens à DEO revelabile sub obscura revelatione. Tandem *formale* objectum est veritas DEI loquentis seu revelantis, adeo ut ipsa quoque revelatio sit partialis constitutum objecti formalis Fidei Divinæ.

II. **D**ivinæ revelationi subesse falsum nequit, cum DEUS mentiri non possit. Quare cum semper eadem sit sive publica seu universitati fidelium intimata, sive privata ad actum Fidei supernaturalem alterutra sufficiet, secus tamē dicendum si sit solum revelatio putata.

III. **O**bscuritas objecti materialis Fidei ad rationem formalem non pertinet, sed est tantum conditio essentialiter & necessariò requisita ad actum Fidei, quare cum possint adhuc remanere obscura revelata, si revelatio sit evidens, cum evidentia in attestante stare poterit Fides.

IV. **S**pes Theologica non solum tendit tanquā ad materiale objectum ad Beatitudinem, sed etiam ad omne illud quod ad æternam beatitudinem conducere potest & hoc ex motivo Divinæ Bonitatis respectivæ & virtutis ipsius auxiliantis adeo ut utraqū & Bonitas respectiva & Virtus ejus auxiliatrix objectum formale spei integrare habeant.

V. **S**pes quæ nos non confundit ad impossibile certè non tendit, qua propter si cui facta esset revelatio propriæ certò futuræ damnationis (quidquid sit utrū sit possibilis talis revelatio:) Beatitudinem sperare nec teneretur, nec posset.

VI. **C**haritas quæ DEUM primariò respicit & secundariò proximum à Bonitate DEI absoluta qua DEUS in se bonus est tanquā à formali objecto movetur. Hac charitate DEUM super omnia diligere debemus qui est amor appetitativè summus quo DEUM ex toto corde & tota anima diligere præcipimur.

## DE INCARNATIONE.

Quam



- I. **Q**uamvis nequē ab Angelo, nequē ab homine solo naturali lumine demonstrari possit tanti Mysterij possibilitas, Fides tamen nedum possibilem docet, verum etiam factam fuisse Incarnationem, cum reverā Divinum Verbum nulla necessitate motum sive supposita mundi creatione, sive supposito peccato, sive etiam supponeremus voluntatem redimendi hominem à peccato sed sola Divina suā misericordia convenientissimum hoc medium Redemptionis nostræ elegerit & in tempore executum sit in adventu Messia.
- II. **U**nio hypostatica qua unitur Verbum cum humanitate assumpta non fuit facta in natura, cum utraq; natura Divina scilicet & humana permanerint distinctæ, atque in confusæ, absque conversione aut permutatione in alterutram vel in aliam tertiam naturam sed facta fuit in persona ita quod in Christo duæ Personæ non sint, sed Divina & humana natura in eadem Verbi Persona subsistant, quin imò ratio terminandi humanitatem & humanitatis unionem sola fuit subsistentia personalis & relativa.
- III. **C**um nulla creatura quibuscumque gratiæ auxiliis prædita condignè satisfacere possit DEO pro peccato mortali, ad hanc satisfactionem condignam exhibendam necessarium fuit Incarnatio, quæ habita Christus nedum condignè satisfecit Patri pro peccatis totius mundi, sed etiā superabundanter quod non officit quin satisfecerit de toto rigore justitiæ qualiter verè fecisse sustinemus.
- IV. **N**on possunt plures Divinæ Personæ eandem naturam creatam assumere, benè verò unica Persona Divina plures simul naturas creatas & diversæ rationis, in quo casu si plures naturas humanas assumeret probabilius putarem, fore dicendos plures homines.
- V. **I**ncarnationis unicum motivum non fuit redemptio nostra unde est quod etiam Adamo non peccante ex vi præsentis Decreti adhuc facta fuisset incarnatio quo ad substantiam, licet non quo ad modum, quo facta est, scilicet in carne passibili, cum revera in tali hypothese venisset Christus in carne impassibili.
- VI. **C**hristus fuit Beatus à primo suæ Conceptionis instanti, fuitque in ipso scientia infusa cum qua adhuc probabiliter stare potest quod Humanitas Christi habuerit etiam scientiam naturalem nostræ similem successu temporis propriis actibus acquisitam. Fuit etiam liber, peccare tamen non potuit, quod non in probabiliter salvari potest, vel per hoc quod in præceptis positivis adimplendis liber fuerit quoad circumstantias in substantiam actus redundantes, vel per hoc quod dependenter ab ipsius voluntate impositum fuerit illi præceptum, & dispensationem obtinere potuisset si voluisset.
- VII. **C**hristus DEUS & Homo, id est subsistens in natura Humana & Divina, una patriæ adoratione adorandus est; Beatissima verò Virgo cultu Hyperdulæ, & Sancti omnes in Cælis degentes cultu Dulæ, horumque Reliquiæ & Imagines cultu respectivo venerandæ sunt; hinc est quod Sanctorum invocatio, Sanctissimæ Crucis, aliasque Christi, vel Sanctorum Reliquias, vel Imagines in Templis collocari, & cultum respectivum eis exhibere laudabilissimum ac utilissimum Ecclesia hoc docente & præcipiente semper fuit,

## DE SACRAMENTIS in Genere & in Specie

- I. **S**eptem instituit Christus Dominus nec plura, nec pauciora in Lege nova Sacramenta, eaque à Sacramentis Legis veteris longè distincta & nobiliora quippe non solum significare habent, sed etiam significando efficere gratiam, suntque sequentia Baptismus, Confirmatio, Eucharistia, Pœnitentia, Extrema, Unctio, Ordo & Matrimonium, per quæ parata nobis in Cruce Medicina tanquam per effluvia in nos copiosissime exundat.
- I I. **E**x rebus & Verbis tanquam ex materia & forma juxta Florentinæ doctrinam intrinsecè componuntur novæ Legis Sacramenta, quorum singulorum materiam & formam Christus Dominus determinavit vel specificè, vel saltem genericè. Proinde si mutatio aliqua substantialis fiat nullum & irritum erit Sacramentum secus verò si accidentalis. Illa intervenit quando vel res non censentur eadem, vel verba eundem sensum non retinent. Hæc quando talis sit mutatio ut eadem substantialiter sint res eademque in verbis significatio.



**III.** **N**ostra isthæc Sacramenta gratiam conferunt non modò intuitu operis honesti ex Sanctitate illius à quo elicitur id est ex opere operantis, verum etiã præcisè intuitu ipsius operis prout institutià Christo seu ut loquuntur Theologi ex opere operato. Hanc gratiam moraliter solum causant, & æquidem qualem in subjectis æqualiter dispositis, si unum cum altero intra eandem speciem Sacramento comparatur. Inæqualem verò commensuratum in æqualitati propriæ dignitatis & præstantiæ, si unum Sacramentum per comparisonem ad aliud specie diversum sumamus.

**IV.** **P**ræter gratiã Sãctificantẽ quæ est cõmunis effectus; Sacramentorũ Primã quidẽ in Sacramentis mortuorũ, & secundã in Sacramentis vivorũ, habent singula gratiã Sacramentalẽ causare quæ ordinata est ad proprium finem uniuscujusque Sacramenti. Insuper Baptismus, Confirmatio & Ordo tanquam peculiarem effectum habent imprimere characterem, qualitatem scilicet Spiritualem animæ Divinitus infusam indelebiter permanentem, quæ immediate in ipsa substantia animæ imprimitur, redditque tria hæc Sacramenta irreiterabilia.

**V.** **I**mmediatius Sacramentorum Institutor fuit Christus Dominus Legistator noster quod ita debet intelligi ut Christus Dominus qua DEUS tanquam causa principalis & qua homo tanquam causa immediate determinans signa illa sensibilia septem, [ & tanquam merens ut DEUS ijs mediantibus concurreret ad conferendam infallibiliter gratiam instituerit immediate omnia novæ Legis Sacramenta.

**VI.** **A**lios sub se Sacramentorum suorum Ministros Christus instituit qui sicuti & subjecta secundum Legem ordinariam homines esse debent [ nequẽ loquendo de Ministris ] quicumquẽ viatores, sed ad id specialiter deputati, excepto Baptismo, & matrimonio Quamvis de Lege extraordinaria & Angeli, & Beati possint Sacramenta conficere.

**VII.** **N**on pendent Sacramenta quo ad valorem à probitate & Fide Ministri, sed solum quo ad licitum, ita ut mortaliter peccet si ex officio Sacramentum conficiens Sancta Sanctè non tractet multoque minus requiritur in Ministro quod prædestinatus sit. Exigitur tamen ad validitatem in eodem Ministro intentio faciendi quod facit Ecclesia, vel æquivalens; nec solum materialiter adhibendo Ritus externos etiam seriò, verum etiam formaliter. Ex triplici intentione actuali virtuali & habituali prima non est requisita, secunda sufficit, non tamen tertia. Si intentioni addatur conditio de præsentis, aut de præterito non obstat valori Sacramenti si res ita sit sicut exprimitur in conditione, secus si conditio sit de futuro excepto Matrimonio. Debet intentio ministri esse determinata circa materiam & subjectum præsens, non tamen circa subjectum in particulari, adeo ut hujusmodi error si Matrimonium excipias non redat irritum Sacramentum.

**VIII.** **I**n subjecto habitualis intentio sufficit & ut gratiam suscipiat nullum debet ponere obicem. Si peccator publicus indigne petat sive occultè sive publicè, Sacramenta eidem administranda non sunt, idem quoq; dicendum si peccator occultus petat privatè secus si publicè. A Ministro indignè ministrante ab Ecclesia non tolerato solum Baptismus & Pœnitentiam in extrema necessitate constituti petere possunt. A tolerato verò iustà & rationabili interveniente causa quodlibet Sacramentum petere licitum est.

**IX.** **B**aptisma quod est Sacramentum novæ legis à Christo Domino institutum ad Spiritualem hominum regenerationem tunc exordium habuisse censemus quando in Iordane Christus Dominus baptizari voluit & quidem à Ioannis baptismo diversum. Hujus Materia remota est aqua sola elementaris, proxima ablutio. Forma vero. *Ego te baptizo in Nomine Patris, & Filii, & Spiritus Sancti, Amen.*

**X.** **T**riplex distinguitur Baptismus flaminis fluminis, & Sanguinis. Baptismus flaminis seu contritio perfecta cum voto suscipiendi baptismum fluminis quando revera hic suscipi non potest ejus vices supplet in adultis ex opere operantis, baptismus Sanguinis seu Martyrium tum in adultis, tum in parvulis ex opere operato; cum quo tamen stat quod solus baptismus aquæ sit verum ac proprium Sacramentum.

**XI.** **C**ertum est quemlibet hominem in casu necessitatis posse baptismum ministrare, licet si multi sint ad licitam administrationem servari regulariter debeat talis Ordo, ut inferior non baptizet præsentis superiore, cujus ordinis observatio sub præcepto gravi non obligat nisi præsens sit Sacerdos cui soli ex officio competit baptismum ministrare. Extra casum necessitatis solemnitè baptizare potestate ordinaria solus potest Episcopus in sua Diocesi, & Parochus in propria Parochia; Potestate delegata simplex etiam Sacerdos; & ex aliqua rationabili causa etiam Diaconus absente Sacerdote.

**XII.** **Q**uilibet homo Viator utpote capax Regni DEI ad quod introire non potest, nisi qui renatus fuerit ex aqua & Spiritu Sancto capax est suscipiendi Baptismus sive adultus sit sive parvulus quidquid reclament anabaptistæ. Ad hanc reactivitatem necessaria-



cessaria non est nativitas ex utero, sed sufficit nativitas in utero ad valorem Sacramenti, dummodo ipsa habitus possit infans abluī. Hinc est quod instante partu dum uterus sive naturaliter, sive per incisionem aperitur valide confertur Baptismus infantibus in utero Matris totaliter existentibus, & licet etiam si sint in vitæ discrimine positi.

XIII. **P**ueri infidelium, quibus Parentibus etiam invitis ministrare licet baptismum si usum rationis habentes sponte petant, vel in articulo mortis constituti sint; utroque dissente ex Parentibus baptizari licet non possunt etiam autoritate Principis cui civiliter subjacent, gratia enim non destruit sed perficit naturam; secus verò autoritate Principis cujus sunt mancipia.

XIV. **A**d Baptismum valide suscipiendum in adulto requiritur intentio ad validum & licitum ultra intentionem necessaria quoque est fides, & saltem attritio in eo qui ultra peccati originalis actualis etiam maculas contraxit, si tamen cum obice suscipiatur remoto obice reviviscere dicimus ut communissima fert opinio.

XV. **V**ltra necessitatem medii relatam ad omnes, in adultis necessarius est Baptismus etiam necessitate præcepti vel in re, vel saltem in voto, si non possit suscipi in re, quia propter graviter peccaret qui habitum notitiam sufficientem baptismi, vel ad ultimum vitam, vel ad longum tempus susceptionem differret sicuti peccant Parentes qui plusnimio baptizare protrahunt proprios filios.

XVI. **E**ffectus Baptismi est gratiam Sanctificantem simul cum donis & virtutibus infusis & Sacramentalem etiam conferre, nec non characterem imprimere, per quæ liberat quidem à captivitate dæmonis, à pœnalitatibus tamen hujus vitæ non eximit, nec de se à conditione servili.

XVII. **C**onfirmatio non est otiosa ceremonia à Melchiade Papa, vel à Concilio Meldensi introducta sed verum novæ legis Sacramentum, quo mediante postquam in undis Baptismatis nobis congenitum primordiale crimen deposuimus nova virtute contra assidue infestantes salutis nostræ inimicos roboramur ad pugnam à Christo Domino institutum non Mathæi decimo nono quando pueris manus imposuisse dicitur, vel Ioannis vigesimo cum tradidit Spiritum Sanctum, sed probabilius dum in ultima cæna Apostolos Christum conficere docuit.

XVIII. **R**emota hujus Sacramenti materia est Chrisma, quod conficitur ex oleo olivarum admixto balsamo per Episcopum benedicto, Proxima verò est unctio chrismatis in fronte in modum Crucis per manus Episcopi ordinariè facta ut sit consona formæ, quæ apud Latinos est; *Signo te, signo Crucis, confirmo te Chrismate salutis in Nomine Patris, & Filii, & Spiritus Sancti.*

XIX. **O**rdinarius Confirmationis Minister est omnis & solus Episcopus, qui validè confert etiam si jurisdictionem non habeat. Extraordinarius ex delegatione summi Pontificis non vero Episcopi potest esse simplex Sacerdos, cui non est improbable quod summus Pontifex possit concedere facultatem consecrandi etiam Chrisma.

XX. **O**mnes & soli baptizati apti sunt ad hoc Sacramentum suscipiendum, si autem confirmetur adultus necessaria est intentio ad Sacramentum & ad fructum etiam Sacramenti ultra requiritur fides & gratia. Quibus deficientibus ex tribus effectibus quos habet conferre, imprimetur in subiecto character, sed non dignabitur augmento gratiæ Sanctificantis, & gratia Sacramentali, quæ omnia licet utilissimum reddant hoc Sacramentum ad salutem consequendam; nullus tamen sive medii sive præcepti necessitate cogitur ad illud suscipiendum ut salutem obtinere valeat.

XXI. **E**ucharistiæ Sacramentum in quo Sacramentorum Author Christus Dominus in sui corporis & sanguinis substantia realiter & non in signo ut voluit Calvinus sub panis & vini speciebus, non substantia ut somniavit Lutherus, continetur & à Fidelibus sumitur ad spiritualem illorum refecutionem in nocte Cænæ fuit institutum à Christo Domino quando discessurus ex hoc mundo ad Patrem divitias Divini sui erga homines amoris veluti effudit memoriam faciens mirabilium suorum Adæquatam ipsius constitutum non sunt species tantum, vel Corpus & Sanguis Christi solum, sed utrumque simul; è contra verba consecrationis utpote transeuntia ad ipsius rationem intrinsicam quæ permanens est pertinere non ducimus; quod à fortiori negamus de usu; qui nec totaliter constituit nec partialiter integrat hoc Sacramentum, sed est pura conditio ut gratia nutritiva causetur.

XXII. **E**ucharistia prout constat duabus speciebus panis & vini Materialiter sumpta dici potest multiplex specie Sacramentum, formaliter verò propriè & simpliciter loquendo est unum unitate specifica aethoma Sacramentum, quod ex his duabus partibus integratur ut fiat spiritualis refectio, à qua utpote ipsius sine propriam unitatem desumit. Si plures considerentur hostiæ secundum se plura erunt in individuo Sacramenta; unum tantum si unico sumantur actu, adeo ut dicant ordinem ad unicam refecutionem. Ma-



XXIII. **M**ateria quæ convertitur in Corpus Christi est solus panis triticeus, qui sive azymus sit, sive fermentatus ad valorem est æquè sufficiens; pro Gracis tamen illicita est consecratio in azymis, sicut in fermentato pro Latinis exemplum Christi Domini sequentibus qui in azymo consecravit, dum ad vespas Lunæ decimæ quartæ Mensis Nisan Pascha manducavit cum discipulis suis.

XXIV. **M**ateria Calicis est vinum devitæ, non tamen corruptum ut acetum. Quod si accescere incipiat valida, sed illicita erit consecratio; non est tamen necessarium quod creverit in vite, cum vinum miraculose factum puta aqua in vinum vitigineum conversa ad consecrationem æquè valeat.

XXV. **A**qua elementaris in modica quantitate vino consecrando misceri debet, non de necessitate Sacramenti vel præcepti Divini sed duntaxat Ecclesiastici. Hæc non opus est quod prius convertatur in substantiam vini ad hoc ut transubstantietur in Sanguinem, propterea immediatam conversionem sustinemus.

XXVI. **Q**uamvis consecrato pane habeatur sub accidentibus verum Christi Corpus quin consecratur sub alia specie Sanguis, consecratio tamen sub utraque specie de Jure Divino est inseparabilis. Hinc uno Sacerdote pereunte post primam debet alius adhiberi ad ponendam secundam.

XXVII. **V**erba Consecrationis essentialia sunt pro Corpore. *Hoc est Corpus meum.* Pro Sanguine *Hic est calix Sanguinis mei*, aut his penitus æquivalentia, quæ verba non sufficiunt si narrative sed debent etiam enuntiative proferri, cum sacerdos debeat agere in Persona Christi cujus est Minister. Pronomina illa *hoc* & *hic* demonstrant Christi Corpus & Sanguinem non sub explicita, sed sub confusa ratione continenda sub speciebus in fine prolationis verborum.

XXVIII. **L**egitimus hujus Sacramenti Minister est solus Sacerdos, quemadmodum & subiectum omnis homo viator qui baptismum suscepit. Ab Eucharistiæ tamen susceptione arcendos esse pueros & amentes docet Catechismus Romanus, non est enim necessaria necessitate medii sed solum præcepti; à fortiori neganda erit publicis peccatoribus.

XXIX. **C**ommunio sub utraque specie Laicis à Christo non est præcepta nec ad salutem necessaria est, & ideo Ecclesia Calicis usum Laicis subtrahere potuit, iustisque de causis subtraxit absque ullo detrimento, cum probabile sit majorem gratiam non conferri Communicanti sub utraque specie ac sub una.

XXX. **S**acrificium est oblatio externa rei sensibilis DEO præstita à legitimo & publico Ministro in protestationem supremi ejus dominii in omnia præsertim in vitam & mortem, quæ ratio huic Eucharistiæ Sacramento perfectissime convenit, estque propterea verum ac præstantissimum novæ Legis Sacrificium, cujus essentia non in oblatione aut sumptione sed in sola Consecratione consistit.

XXXI. **Q**uia est impetratorium & propitiatorium, pro vivis in Ecclesia offeri solet, & salubriter etiam pro defunctis in Christo mortuis, qui detinentur in purgatorio, Pro Missarum celebratione licet potest Sacerdos stipendium accipere, non potest tamen pluribus acceptis stipendiis unius satisfacere oblatione sacrificii, quin etiam lædat debitum justitiæ.

XXXII. **P**ænitentia quæ ut virtus considerata est habitus moralis inclinans in vindictam peccati ex motivo reintegrandi ius Divinum læsum per peccatum quod utique præstat per actus detestationis & doloris, tantæ necessitatis simul & efficacis est, ut supposito peccato in hac Providentia nulla possit esse sine pænitentia remissio, & aliunde nulla sit tam enormis peccatorum multitudo atque gravitas, quæ per pænitentiam in hac vita deleri non possit.

XXXIII. **A**d rationem Sacramenti fuit à Christo Domino elevata pænitentia quando Discipulis suis protulit illa verba *Accipite Spiritum Sanctum* propterea dari verum ac propriè dictum Sacramentum Pænitiæ cum Ecclesia Catholica confitemur. Hujus autem materia remota atque ab hoc Sacramento destruenda sunt peccata Fidelium. Materia autem proxima ex qua sunt actus pænitentis nempe contritio, Confessio, & satisfactio juxta Tridentinum sessionem decimam quartam capite quarto. Ex quibus tamen satisfactio non est pars essentialis ipsius, sed solum integralis. Forma verò sunt verba illa *Ego te absolvo à peccatis tuis &c.* Quamvis essentialiter solum consistat in illis verbis *absolvo te.*

XXXIV. **C**ontritio quæ genericè accepta juxta Tridentinum est animi dolor & detestatio de peccato commisso cum proposito non peccandi de cætero, ut ad justificationem disponat debet esse vera, supernaturalis, efficax, appetitativè summa, & universalis non solum se extendens ad omnia mortalia commissa nondum remissa sed etiam ex motivo adeo ut si



ut si concipiatur ex speciali turpitudine alicuius particularis peccati dispositio sufficiens non sit ad justificationem, propterea negamus dari posse Sacramentum penitentiae validum & informe.

XXXV. **A**lia est quæ charitate perficitur, seu quæ ex motivo dilectionis DEI concipitur & contritio perfecta dicitur, quæ etiam extra Sacramentum cum solo Sacramenti voto ultimo ad gratiam Sanctificantem disponit. Alia quæ ex turpitudine peccati vel ex metu Gehennæ & pænarum concipitur; & hæc quæ attritio dicitur non modo est actus honestus, atque laudabilis, sed etiam satis est in Sacramento ad veniam peccatorum obtinendam, etsi nullam charitatem perfectam, neque inchoatam, neque conatum ipsius includat.

XXXVI. **C**onfessionem auricularem institutam esse à DEO in partem Sacramenti Penitentiae certo certius est contra Novatores, qui illam dicunt Papisticum figmentum, hæc autem essentialiter dicit integritatem formalem non materialem; ut scilicet ea omnia dicamus quæ manifestare possumus. Ad Confessionis integritatem spectat nedum confiteri omnia specie & numero peccata mortalia commissa, quæ clavibus nondum subiecta fuere, sed etiam omnes circumstantias peccatorum speciem mutant, non tamen solum per se loquendo circumstantias aggravantes. Insuper nedum si probabiliter putemus aliquod peccatum fuisse commissum vel certo commissum non fuisse confessum, non habita solida probabilitate in oppositum, sed etiam si dubium negativum sit tenemur illud in Confessione aperire. Tandem licet non sit complex manifestandus, si tamen aliter non possit quis suum peccatum exprimere nec Confessionem differre, nec alium Confessarium adire cui ignotus sit complex tenetur suum peccatum confiteri etsi exinde possit Confessarius devenire in cognitionem complicitis.

XXXVII. **C**um ad iudicis & Medici officium spectet pænas delictis debitas, & medicinam morbo convenientem aptare, tenetur Penitenti si capax sit satisfactionem Confessarius imponere & ille adimplere, ne Sacramentum careat parte sua integrali quæ retribuat DEO offenso aliquam satisfactionem, & diminuatur pæna temporalis peccatis debita.

XXXVIII. **I**uvat etiam ad talem pænam eluendam vel in totum, vel in partem acquisitio alicujus Indulgentiæ. Cum revera detur in Ecclesia DEI potestas concedendi ex ejusdem Ecclesiæ thesauro Indulgentias Fidelibus, quæ nedum valent pro vivis, sed per modum suffragii applicari possunt etiam in Christo defunctis in purgatorio detentis.

XXXIX. **M**inister Sacramenti Penitentiae est solus Sacerdos, qui licet habeat potestatem Ordinis nequit hoc Sacramentum validè ministrare nisi habeat etiam Jurisdictionem, & approbationem à Loci Ordinario vel à Pontifice. Sufficiet tamen ad validè administrandum jurisdictio solum probabilis. Debet insuper Confessarius se accommodare opinioni Penitentis, dummodo hæc probabilis sit. Et audita Confessione ad tam arctum sigillum tenetur de Jure Divino, Naturali, & Ecclesiastico, ut excepto libero consensu Penitentis nunquam illud violare possit, neque licitus unquam sit usus scientiæ in Confessione acquisitæ quoties ex tali usu directè, vel indirectè peccatum penitentis revelaretur.

X L. **D**atur in Ecclesia potestas reservandi peccata, quod iusta interveniente causa, & in bonum animarum licitè fit, & ab his non habens facultatem absolvendi à reservatis solum indirectè absolvere potest. Porro hujus reservationis materia est quodlibet peccatum mortale, sive habeat, sive non habeat annexam censuram, quamvis defacto nullo sit peccatum Pontifici reservatum absque censura, quinimo possunt etiam reservari peccata dubia & merè interna.

XLI. **C**ensura quæ est pæna spiritualis medicinalis per quam homini baptizato, delinquenti ac contumaci per potentiam Ecclesiasticam aufertur usus quorundam spiritualium bonorum dividitur essentialiter in Excommunicationem, suspensionem & interdictum. Accidentaliter verò in eam quæ est ab homine; nec non in eam quæ est latæ sententiæ, & eam quæ est sententiæ ferendæ. Hanc autem censuram solus ferre potest qui habet in foro externo contentioso Jurisdictionem. Quo ad absolutionem tamen si per sententiam particularem lata sit, is tantum potest absolvere qui eam tulit aut ipsius successor, vel ejus Superior, vel Delegatus. Si verò lata sit à jure communi vel ab homine per sententiam generalem, si non sit reservata potest absolvere quilibet qui censuratum potest à peccatis absolvere.

XLII. **C**ensuræ affinis est irregularitas, quamvis verè, censura non sit sed solum Impedimentum Canonicum susceptionem ordinum sacrorum, & susceptorum exercitium impediens. Quæ duplex est alia scilicet ex defectu, altera ex delicto quæ in dubio Juris vel facti non contrahitur.

XLIII. **E**xrema unctio verum ac propriè dictum novæ Legis Sacramentum, Oleum Olivarum ab Episcopo benedictum pro materia remota habet, unctionem verò per modum.



Crucis in variis partibus corporis juxta Rituale Romānum pro materia proximā recogno-  
scit. Forma sunt illa verba quæ ab eodem Rituali assignantur; quamvis probabilissimum  
sit de essentia solum esse verba sequentia. *Per istam Sanctam unctionem indulgeat tibi Do-  
minus quiddid deliquisti.*

XLIV. **H**ujus Sacramenti Minister est solus sacerdos, qui etiam debet esse proprius Parochus  
si possit haberi, & quamvis unus sacerdos ad illud administrandum sufficiat; plu-  
res tamen etiam illud valide conferre possunt; & licet si primus, qui unctiones in-  
cepit nequeat perficere, vel periculum sit in mora, adeo ut unus solus Sacerdos probabili-  
ter nequeat peragere omnes unctiones antequam infirmus moriatur

XLV. **Q**uinque communiter assignantur ex parte animæ Extremæ unctionis effectus, & unus  
relatè ad corpus. Prioris generis sunt, primus Gratia Sanctificans, secundus spe-  
ciale gratiæ auxilium tum ad vincendas tentationes in articulo mortis occurren-  
tes; tum ad spem & confidentiam facilius & firmiter in DEUM erigendam, tum etiam ad  
morbi & mortis molestias majori cum patientia tolerandas. Tertius. Remissio peccatorū  
mortalium si quæ forte habet infirmus, quæ habere se bona fide & invincibiliter ignorat,  
& de illis saltem in genere attritus sit. Quartus. Remissio venialium. Quintus abster-  
sio reliquiarum peccati. Secundi generis est Corporalis sanitas dummodo hæc salutis ani-  
mæ expedit.

XLVII. **E**xtremā unctionem suscipere potest homo baptizatus qui rationis usum adeptus sit, &  
propter morbum vita periclitetur, qui si possit debet Pœnitentiæ & Eucharistiæ su-  
sceptionem præmittere, & si hoc non possit, saltem attritionem si peccati mortalis con-  
scius sit. Nequē iterari potest eodem mortali periculo durante; secus verò si eodem etiam  
perseverante morbo postquam primum quis evaserit, novum aliquod mortis periculum ite-  
rum incurrat.

XLVII. **D**atur etiam Sacramentum Ordinis in septem gradus divisum, suntque Officiarius,  
Lectoratus, Exorcistatus, Accolytatus, Subdiaconatus, Diaconatus & Præbiteratus,  
qui omnes verè sunt ordines verūque ac propriè dictū Sacramentū; licet ratione  
ordinis & finis quem dicunt unicum constituent Sacramentum. Hinc est quod prima ton-  
sura est solum præparatio ad ordines; & Episcopatus quamvis revera sit ordo, probabilius ta-  
men censemus hunc non esse adæquatè & omnino distinctum à Sacerdotio.

XLVIII. **O**mnis & solus masculus est subiectum capax, sicuti omnis & solus Episcopus est Or-  
dinarius Minister Sacramenti Ordinis. Extraordinarius tamen ex concessione sum-  
mi Pontificis potest esse quo ad minores Ordines simplex Sacerdos, & probabilius  
etiam quo ad majores excepto præbiteratu. Materia verò hujus Sacramenti remota est  
res illa quæ traditur à Ministro in prolatione formæ. Traditio rei materia proxima. Et  
forma sunt illa verba quæ proferuntur in traditione materiæ.

XLIX. **S**acris Ordinibus de jure Ecclesiastico cælibatus laudabilissime annexus est. Et omnibus  
quinimo primæ Tonsuræ etiam privilegium Canonis & Fori, cum verè de jure Di-  
vino, Canonico; & civili exempti sint Clerici à Laica potestate.

L. **S**ponsalia quæ sunt futurarum nuptiarum inter legitimas personas mentio & repromis-  
sio, exigunt ex parte promissionis quod sint mutua & acceptata, & quod sint signis  
sensibilibus manifestata. Ex parte vero promittentium Primo quod sint Personæ ma-  
trimonii capaces saltem pro quando promittitur matrimonium. Secundo quod usu rati-  
onis polleant, & quod uterque contrahentium liberè consentiat. Non est tamen necesse  
etiam post Tridentinum, ut coram Parochis & testibus sponsalia de futuro contrahantur.  
Quamvis consultissimum sit testes adhibere, ut in foro externo fides haberi possit.

L I. **E**x legitimè initis Sponsalibus gravis obligatio ad contrahendum Matrimonium confur-  
git, multis tamen de causis resilire quis potest. Primo si utraque pars iam solutionem  
sponsalium consentiat. Secundo elapso tempore ad contrahendum matrimonium  
constituto. Tertio si quis dum ad pubertatem pervenerit petat solvere sponsalia ante pu-  
bertatē inita. Quarto per longinquā peregrinationē aut absentiam alterius. Quinto per professio-  
nem Religiosam & Sacrorum Ordinum susceptionem, imo etiam ex parte illius qui in sæ-  
culo remanet, per solum ingressum in Religionem. Sexto per subsequens Matrimonium  
ratum. Septimo per subsequentem alterius sponsi fornicationem. Octavo per notabi-  
lem mutationem, aut causam denovo supervenientem. Nono per non adimpletionem  
conditionis justæ sponsalibus appositæ. Decimo per dolum dantem causam contractui.

LII. **M**atrimonium quod rite dicitur contractus viri & femine legitimus quo mutua cor-  
porum potestas traditur ad generationem proles ordinata, & ad consortium vitæ  
communis à DEO quidem in Paradiso ante Adæ peccatum institutum, & à Chri-  
sto Domino in Lege Gratiae ad Sacramenti Sanctitatem elevatum; dicit ut materiam remo-  
tam



tam ipsa corpora contrahentium, ut proximam consensum utriusque Conjugis, ut formā mutuum acceptionem verbis vel signis expressam.

LIII. **C**onsensus contrahentium ita est ad Matrimonium requisitus ut nulla humana auctoritate suppleri possit; non, est tamen necesse quod sit personaliter expressus cum sufficiat ad Matrimonium si per Procuratorem exprimatur. Sicuti etiam necesse non est ad Matrimonium ut interveniat consensus explicitus in copulam. Quare optimè salvatur Beatam Virginem verum matrimonium contraxisse non obstante voto castitatis, ad quæ simul concilianda duplex statuendus est contractus, quorum primus præcipuus & insolubilis concedat de præsentī facultatem irrevocabilem utendi corpore non de præsentī, sed tunc cum fuerit expeditum secundum vinculum quod in alio contractu apponitur, scilicet de non usu corporis, nisi habeatur consensus mutuus contrahentium, qui secundus contractus ex iustitia obligat donec à contrahentibus rescindatur.

LIV. **V**inculum Matrimonii in Lege Evangelica indissolubile est utroque Coniuge superstitē, exceptis duobus tantummodo casibus, in quibus Christus solutionem concessit, unus est in favorem Religionis si unus Coniugum post matrimonium ratum in Professione Religiosa Votum castitatis solemne emittat, alter infavorem Fidei si coniux Infidelis etiam post Matrimonium consummatum nolit cum conversa ad fidem habitare sine Blasphemia Divini Nominis. Cæterum libellum Repudii in Lege veteri ob duritiem Hæbreorum concessum omnino à Christo Domino sublatum esse dicimus. Quare ob fornicationem licet possit solvi Matrimonium quo ad thorum, quæ solutio etiam fieri potest ex mutuo Coniugum consensu, per lapsum unius in hæresim vel infidelitatem, & ob sævitiam alterius Coniugis; non licet tamen solvere matrimonium quo ad vinculum quidquid in contrarium mullitent Schismatici cum Hæreticis.

LV. **N**eque potest unus altero Coniuge vivente secundas nuptias celebrare. Nedum enim Biviriam quæ fuit semper prohibita, sed etiam Poligamiam aliquando à DEO permissam Christus Dominus prohibuit ad primum suum institutum Matrimonium revocans. Quare iure nova Tridentini sessione vigesima quarta canone secundo rite anathematizantur qui dicunt Christianis licere plures simul habere uxores, hocquæ nulla Divina Lege prohibitum esse. Una tamen Coniuge demortuo potest superstes ad alias nuptias transire.

LVI. **D**ixi in Ecclesia potestatem inducendi cujusvis generis impedimenta certum est & comprobatum in Tridentino apponente præsentiam Parochi & testium. Quod tamen nō est immutare substantiā Sacramenti Matrimonii; nam licet Christus validū contractum ad rationem Sacramenti elevaverit non determinavit tamen qualis debeat esse hic contractus & cum quilibet circumstantiis ut validus sit.

LVII. **A**lia itaque sunt impedimenta quæ contractum matrimoniale celebrare prohibent, alia quæ irritant eundem contractum si cum tali impedimento celebretur. Ex primis licet plura enumerentur iure antiquo statuta modo tamen solum sequentia observantur, nempe prohibitio Ecclesiæ, & tempus feriatum, Sponsalia & votum castitatis vel etiam votum simplex Religionis. Irritantia verò post Tridentinum quatuordecim numerantur, ex quibus si errorem excipias, consanguinitatem in primo gradu sive rectæ, sive transversalis lineæ, impotentiam, & vinculum prioris matrimonii, quæ de iure naturæ matrimonium irritum reddunt, cætera solum iure humano matrimonium dirimunt propterea in his potest summus Pontifex dispensare.

## De Legibus.

I. **L**ex quæ est Regula actionum humanarum ingenita, vel præscripta, & promulgata ab eo qui curam & potestatem habet in communitate ad bonum commune obligans ad aliquid faciendum vel omittendum debet esse in commune bonum, iusta & iustè lata, debet esse stabilis, permanens ac durans & obligans quousquæ revocetur, debet esse aliquomodo perpetua. Non est tamen necessariū ad rationem legis quod scripta sit.

II. **C**ausa materialis ex qua seu illius subjectum est intellectus & voluntas superioris, cum utriusquæ potentiæ actus sit Lex; causa autem circa quam versatur sunt actiones humanæ, quæ sub Lege cadunt ut per eam rectè fiant & à pravo declinent. Causa formalis est ipsa iustitiæ norma quam Lex præferret. Finalis est bonum Communitatis in-



stituendum vel stabiliendum. Efficiens tandem ille est qui habet supremam auctoritatem in communitate, sive unus sit ut in gubernio monarchico, sive plures ut in Aristocratico, & Democratico.

III. **S**ubjectum quod ad Legem tenetur est homo subditus capax rationis. Si verò Lex pure humana sit Legem condens ad observantiam legis à se vel à Prædecessore suo lata non obligatur ex vi coactiva, bene verò ex vi directiva & æquitate fundata in jure naturæ, dummodo sit lex circa materiam universalem, & accommodatam non solum subditis, sed etiam Principi. Quinimo si municipalis sit nec obligantur Peregrini legibus locorum ad quæ se transferunt intentione ibi manendi minori anni parte, secus verò dicendum si illuc se transferant ex animo contrahendi domicilium, vel majori anni parte ibi manendi.

I V. **A** lege aterna DEI à qua omnes Leges derivant profluit etiam Lex naturalis quæ consistit nedum in actu ostensivo & indicativo boni & mali, verum etiam præceptivo ac obligante ad ea quæ tali Lege præscripta sunt, ea nobis quæ intrinsecè bona sunt præcipit, quæ verò intrinsecè mala prohibet, propterea nullam pati potest vel mutationem, vel dispensationem propriè dictam sive ab homine, sive à DEO, sed solum impropriè permutationem scilicet materiæ ex qua Legis obligatio oriebatur.

V. **D**uplex fuit lex scripta à DEO hominibus in tempore imposita. Una est lex vetus à DEO Moyse tradita, quæ in veteri Testamento continetur, & à Moyse tempore ad Christi mortem usquè & Resurrectionem apud Judæos vixit. Altera est lex gratiæ longè nobilior ac præstantior in novo Testamento exarata à Christo Domino lata & instituta, quæ tunc incepit obligare quando translato Sacerdotio necesse fuit ut legis translatio fieret, quæque ad sæculi usque consumationem duratura est.

VI. **L**ex humana justa & rationalis in conscientia obligare habet. Hæc licet ad actus internos secundum se spectatos se non extendat, illos tamen respicere potest prout complementum sunt actus externi, seu quatenus adinvicem connexionem aliquam habent seu dependentiam. Futura respicit non præterita, nisi specialis clausula pro præteritis apponatur, vel sit antiqui juris declarativa, vel deniquè disponat de ipsa executione seu ulteriore processu negotii jam inchoati.

VII. **Q**uamvis lex non obliget nisi promulgata sit promulgatio tamen quæ non est censenda ratio formalis Legis, sed conditio sine qua lex obligare non habet subditos, alia non requiritur spectato jure naturali nisi quod fiat in Curia Principis, licet circa aliquas Leges aliter vel à jure, vel à consuetudine introductum sit, excepta tamen Lege Pontificia quæ publicata in Urbe publicata censetur in orbe. Acceptatio è contra per se loquendo necessaria non est ad hoc ut lex humana obliget; quamvis dum Princeps videt à majori parte communitatis legem non acceptari prudenter operetur si legis obligationem tollat, dummodo attentis circumstantiis magis bono communi profuit abrogatio legis quam illius perseverantia.

VIII. **D**ividitur lex humana in civilem quæ à potestate sæculari, & Canonicam quæ à potestate Ecclesiastica fertur. Civiles dum præcipiunt aliquid, aut prohibent Ecclesiasticos, aut Ecclesiasticarum bona obligare non possunt absquè Ecclesiæ consensu, quæ tantum tunc consentire videtur quoties prædictæ Leges sacris Canonibus non repugnât. Leges verò Canonice pro universo orbe condi possunt à summo Pontifice, quippe de jure Divino supremam potestatem habet in universa Ecclesia.

I X. **D**ispensare, quod est aliquem ab obligatione legis eximere remanentibus aliis ad Legem adstrictis, solius legem condere valentis actus est, sicut etiam abrogare Legem, quod est tollere pro omnibus obligationem. Non denegamus tamen inferiori legislatori posse propriam legem abrogare etsi à Superiore confirmata sit, nisi in confirmatione apponatur aliqua clausula talem potestatem revocans.

X. **C**onsuetudinis, quæ definitur jus quoddam moribus hominum institutum quod pro Lege suscipitur cum deficit lex tres enumerantur proprietates, legem scilicet interpretari, novam instituere, & veterem abrogare, dummodo tamen inter alias requisitas conditiones interveniat consensus Principis vel expressus, vel tacitus, vel legalis. Quibus conditionibus intervenientibus derogare potest etiam legi latæ cum hac clausula. *Non obstante qualicunque consuetudine in contrarium.* Quodsi per clausulam aliquam provideatur observantiæ legis etiam contra futuram consuetudinem puta si lex dicat. *Nulla in posterum obstante consuetudine.* In illo tantum casu vel circumstantia poterit consuetudo legem abrogare, quam verosimiliter à legislatore ignoratam fuisse putabimus.



# De Justitia & Jure.

- I. **J**ustitia virtutum omnium moralium præstantissima, quæ est constans & perpetua voluntas jus suum unicuique tribuendi, exerceri potest inter Patrem & Filium etiam non emancipatum, inter servum & Dominum, Virum & uxorem, nec non inter DEUM & homines, adeo ut non solum in DEO sit jus proprietatis strictè dictum relatè ad omnes creaturas, ratione cujus possit disponere seu commodum libertatis suæ percipere ex omni usu possibili creaturarum, quod ius si violat creatura iniuriam committit, sed etiam possit DEUS conferre creaturæ jus strictè dictum obligando se ad gloriam verbi gratia conferendam ex contractu oneroso sub aliqua scilicet conditione, qua purificata per creaturam consurgat in ipsa jus strictè dictum erga DEUM.
- II. **I**us quod Justitia considerat est legitima potestas ad rem aliquam vel aliquam functionem obtinendam cujus violatio iniuriam constituit. Inter species autem juris sunt dominium plenum importans ius disponendi de re ad omnes usus possibiles. Dominum directum ferens solum ius in substantiam rei. Usus fructus qui dicitur jus ad utendum & fruendum re salvâ ejus substantiâ, usus juris, qui fert solum jus ad utendum non verò ad locandum vel commodandum rem, nec ad alienandos ejus fructus. Datur insuper ab his longe diversus usus facti qui importat potestatem, utendi re absque ullo jure ad usum, propterea facultatem revocabilem ad nutum concedentis. Ex his dominium directum separabile est ab usu fructu perpetuo, & usus facti à Dominio, etiam in iis rebus quæ unico usu consumuntur.
- III. **P**æter DEUM qui est plenissimus rerum omnium nedum jurisdictionis, sed etiam proprietatis Dominus, etiam homo dominium habet, quod tamen non in gratia & charitate fundatur, adeo ut etsi peccatores sint propterea nequè jurisdictionem in subditos neque proprietatem in res suas deperdunt. Pueri quoque & amentes capaces sunt domini nec non servi & Filii familias respectivè ad aliqua bona. Negamus tamen reperiri posse inter duos homines plenum ac perfectum dominium in solidum, nedum loquendo de perseverantia domini sed etiam de ipsamet inceptio. Quare in instanti donationis non penes donantem & donarium, sed penes hunc tantum plenum & perfectum dominium esse recognoscimus.
- IV. **A**d acquirendum dominium requiritur procul dubio domini titulus. Hic autem triplex est. Primo inventio rei quæ nondum est ullius & propterea potest evadere primò occupantis; hoc modo acquiri possunt gemmæ in littore maris inventæ, pisces maris aut fluminum, feræ sylvarum, thesauri ab immemorabili defossi si licitò modo in fundo proprio inveniantur. Secundus titulus est legitimus consensus paciscentium, quo posito res primò Dominò relicto in alterius proprietatem cedit. Tertius est autoritas publica, quæ ob commune bonum, & citra, vel etiam contra consensum prioris Domini. Bona privatorum transfert in alios. Hoc autem contingere potest vel jure Gentium ut contingit in rebus acquisitis in bello iusto quæ evadunt capientium, vel autoritate Legis particularis sive hoc sit ob culpam Domini, puta propter hæresim vel crimen læsæ majestatis, aut sine culpa ut accidit in præscriptione, & usucapione.
- V. **I**njustitiæ injustitia opponitur, cujus proprius actus est iniuria, quæ nequit irrogari scienti & consentienti in iis quæ licitè cedere potest, secus tamen in iis quæ nequit cedere. Neque iniuriam committit Judex qui coactus sententiam ferre innocentis cogniti talis per scientiam privatam, qui tamen in Judicio probetur reus, vel absolutivam vel condemnativam, sententiam ferat condemnativam, cum revera aliter judicare nec possit, nec debeat.
- VI. **I**n furto & rapina Iniuria relucet. Est enim furtum acceptio rei alienæ Domino rationabiliter invito; quare nisi excusetur ab extrema necessitatè in qua sola non tamen in gravi licitum est tantum accipere quantum necesse est ad propriæ necessitatì cõsulendum; vel ab eo quod Dominus non existimetur rationabiliter invitus vel à parvitate materiæ peccatum mortale est restitutionis obligationem inducens. Verum in taxanda hac materiæ quantitate probabilius respiciendam esse materiam nedum secundum se, sed etiam comparative ad qualitatem personarum adeo ut non eadem omnino quantitas reputanda sit gravis respectu unius Divitis, quæ respectu minus divitis merito censetur gravis. Rapina tandem malitiæ furti superaddit etiam violentiam.
- VII. **Q**uod furtum & Rapina in fortunæ bonis hoc idem præstant detractio & contumelia in bonis famæ. Horum materia gravis per se loquendo est manifestatio peccati gravis occulti quoties loquendo de vero crimine hæc non sit necessarium medium ad evitandum periculum aliquod grave spirituale, aut temporale sive illius cujus referuntur



runtur five alterius proximi neque est peccatum propria detegere crimina consule humilitate quoties nec scandalum nec damnum aliquod five communitati five alicuj particulari personæ exinde proveniat.

VIII. **I**us proprietatis in vitam & membra nostra penes DEUM solummodo est, utile verò etiā penes homines. Illud lædit qui seipsum vel occidit vel mutilat qua de causa, neque ad vocis svavitatem comparandam, vel servandam castitatem seipsum castrare potest homo. Utrumque verò qui alieni Sanguinis effusor est alterum in iustè occidendo vel mutilando. Quare nec Religioso, nec Clerico, nec viro honorato calumniatorem licet occidere etsi calumnia vitari nequeat. Idem dicendum est etiam de marito qui propria auctoritate non potest occidere uxorem in adulterio depræhensam, quamvis ab humanis Legibus quo ad penam excusetur, idem quoque dicendum de procurantibus abortum fatus animati, quinimo etiam qui impedit ne soboles nasci, vel concipi possit tanquam homicida à Sanctis Patribus condemnatur & meritò quidem non quia vitam homini adimit, sed quia immediatè & proximè vitam homini impedit, idque etsi fiat ne puella depræhensa gravis infametur & occidatur. Quamvis in hoc ultimo casu irregularitas non contrahatur ex capite, si aliquis primo de homicidio.

IX. **L**icitum tamen est in bello iusto hostes nocentes occidere quemadmodum etiam auctoritate publica juxta qualitatem delicti vel morte, vel mutilatione subditos punire licet. Quinimo privatus quisque non modo ad tuendam vitam verum etiam ad rerum externarum magni momenti defensionem injustum invasorem licitè potest occidere si cesset probabilis adhuc spes eas recuperandi, servato tamen moderamine inculpatæ tuelæ, secus tamen dicendum est de ijs ad quæ quis habet jus inchoatum, aut sperat possidere, quæ certè defensione occisiva defendi non possunt.

X. **H**omicidio vel mutilationi voluntariæ & injustæ statuta est tanquam pœna à Jure Canonico irregularitas. Ex homicidio verò casuali patrato ab eo qui dabat operam rei five licitæ, five illicitæ nulla incurritur irregularitas, dummodo res illa cui dabat operam cum periculo mortis minimè conjuncta fuerit & debitam adhibuerit diligentiam, ex quibus conditionibus si alterutra desit irregularis fiat. Ex lenitatis autem defectu incurrunt irregularitatem in causa Sanguinis sententiam ferens, scribens & exequens, nec non ad executionem cooperantes; quin etiam accusator, testis, & quotquot illius mortis causa sunt.

XI. **R**estitutionis obligatio ex duplici radice ortum habet ex re scilicet accepta, & ex iniusta acceptione; si ex primo capite orta sit obligatio tamdiu durat quamdiu res ipsa vel formaliter in se vel æquivalenter in effectu suo, perseverat. Si verò ex secundo remanet obligatio etsi res injustè & mala fide accepta perierit neque ullatenus sit & fuerit utilis accipienti. Item Possessor Bonæ fidei tenetur reddere solum fructus naturales & mixtos pendentes & perceptos si existant. Malæ autem fidei Possessor ultra hos quos tenetur reddere etsi amplius non existant, nec in ijs factus sit locupletior, tenetur etiam ad fructus quos recepit per hoc quod rem fecerit ipse meliorem, etsi talis à Domino facta non fuisset. Probabiliter etiam sustineri potest possessorem bonæ fidei reddere posse rem alteri ad recuperandum pretium, etsi prævideat rem Domino perituram quando aliter pretium recuperandi spes nulla superfit.

XII. **P**lures sunt causæ quæ à restitutione excusant, quarum præcipuæ sunt impotentia physica vel moralis, cessio bonorum compositio, remissio debiti facta à Creditore. Ad impotentiam reduci etiam potest incapacitas restituendi in eodem genere bonorum cum existimemus probabilius non dari obligationem ante sententiam judicis & seculo præcepto restituendi per bona alterius generis in eo qui non potest per ea bona satisfacere, in quibus alterum læsit.

XIII. **C**ontractus qui genericè acceptus est conventio duorum vel plurium in alterutro saltem obligationem pariens versatur circa materiam possibilem saltem in spe existentem certam & non prohibitam. Consensus ex quo obligatio confurgit si ex metu gravi ad hoc incusso extortus sit ex natura rei non reddit contractum nullum, quare nisi Jure positivo aliqui contractus invalidentur sicuti inter alios constat de sponsalibus & matrimonio ex capite veniens secundo & capite cum locum de sponsalibus irriti tales contractus non erunt, sed irritandi. Valet etiam contractus sub conditione honesta & possibili posito conditionis eventu, vel facti sub modo, dummodo talis modus substantiæ contractus non repugnet. Contra verò initi contractus ex errore vel antecedente, vel concomitante circa substantiam ex natura rei nulli sunt, quod etiam ex juris positivi dispositione extendendum est ad contractus bonæ fidei ex dolo celebratos.

XIV. **C**ontractum celebrare potest quicumque ratione præditus est & materiam habet ad contractum necessariam nisi à Jure prohibeatur, sicuti defacto prohibentur pupilli & minores.



minorenes. Quare contractus etiam sine licentia Tutorum vel Curatorum valent si in eorum commodum redundant; secus verò si in ipsorum detrimentum vertantur. Quinimo alienationes etiam de consensu Tutorum vel Curatorum à pupilis vel minorennibus factæ circa res immobiles, vel ex illis quæ servandò servari possunt nullius valoris sunt, nisi ex sententia Judicis factæ sint & iusta interveniat causa. Religiosi quoque, vel etiam Clerici Sæculares saltem si Sacris Ordinibus initiati sint Jure Canonico prohibentur negotiationi attendere, quæ prohibitio probabiliter non extenditur ad illos qui seclusa qualicunque circumstantia turpi per alios negotiationi attendunt.

XV.

**A**liquibus concessum est gaudere privilegio restitutionis in integrum cujus nomine intelligitur beneficium, seu remedium quo aliquæ personæ læsæ restituuntur à Judice in pristinum jus & statum, ita ut contractus validi celebrati cum ipsis rescindantur, si ipsis propter læsionem expediat ut rescindantur, vel ut æquetur pretium, si in pretio læsæ sint tam infra, quam supra dimidium modo læsio notabilis sit. Tali privilegio inter alios non solum gaudent minores, Respublica, & loca pia; verum etiam homines rudes & mulieres, quæ ignorant Jura.

XVI.

**E**mpcio & venditio sunt contractus qui mutuo consensu perficiuntur, & ultro citroque emptorem ad tradendum pretium, & venditorem ad tradendas merces obligant. Ea omnia emi & vendi possunt quæ pecuniâ æstimantur nisi adsit specialis aliqua prohibitio. In venditionibus tamen servari debet justum pretium, quod aliquibus concurrentibus circumstantiis etiam circa eandem rem augeri potest; quodsi aliqua fraus interveniat, in pretio vel illicitis monopolis ultra debitum augeatur, tantum restituendum erit donec attentis circumstantiis ad moderatum pretium deveniatur. Si res vendita pereat vel deterior fiat post traditionem, emptori utique perit. Quod regulariter loquendo dicendum est etiam si hoc contingat ante traditionem, nisi adsit culpa, vel mora venditoris in re Domino tradenda.

XVII.

**S**pirituale vendere non licet quin sordida simoniæ labes incurrat. Simoniacus namque est qui dat temporale pretium qualecumque sit nempe sive munus à manu, sive munus à lingua, sive munus ab obsequio pro Spirituali, aut Spirituali annexo, vel viceversa, pacto explicitè aut implicitè interveniente, neque solum si spirituale detur ut pretium sed etiam quando est motivum consequendi Spirituale. Ad materiam simoniæ pertinet ommissio actus Spiritualis authoritativa, cum quo tamen stat pecuniam exhiberi posse ad redimendam iniquam ministri vexam in extrema necessitate. Sicuti etiam materia Simonie est recipere aliquid pro ingressu ad Religionem, quamvis, si Monasteriū sit inops possit aliquid accipere pro congrua ingredientium sustentatione.

XVIII.

**S**imonia quoque committitur si aliquod temporale accipiatur pro collatione beneficii non tantum quo ad jus exercendi ministerium spirituale quod propriè dicitur officiū, sed etiam quo ad jus percipiendi redditus temporales quod præbenda appellatur. Simoniaci quoque est resignatio Beneficii Confidentialis, aut etiam quæ fit cum conditione appositæ solvendi expensas factas à primo possessore pro ejus pacifica possessione, vel cum simili onere beneficio minime annexo, nisi fiat sub conditione approbationis Pontificis, qui solus ut pote plenitudinem potestatis habens disponendi de Beneficiis Ecclesiasticis potest illi beneficio quod resignatur consimile, vel aliud rationabile onus imponere. Potest tamen pecuniâ redimi iniusta vexatio in Beneficiis Ecclesiasticis, dummodo in Beneficio plenum jus sit acquisitum, quin etiam ante Juris acquisitionem, saltem si vexatio redimenda sit ab eo qui solum potest obesse.

XIX.

**M**utuum est contractus quo rei Dominium transfertur in accipientem spe recipiendi similem in specie & Bonitate. Si immediatè ex mutuo lacrum percipiatur usura committitur; Quare usurarius est nedum qui aliquid supra sortem præcisè ex mutuo percipere paciscitur, sed etiam qui supra sortem aliquid exigit ratione obligationis ad non repetendā sortem usque ad certū tempus, sicuti etiam qui contractus antichrysiōs & contractus Mohatra exercet, quamvis liciti sint Montes Pietatis. Quodsi usuræ solvantur nullum acquirit dominium usurarius, qui eas restituere tenetur cum sit pretium proveniens ex radice omni Jure damnata. Hoc tamen non obstante iusta urgente causa mutuum petere ad usuram licitum est, si moraliter nullus modus remaneat mutuandi, sicuti etiam mutuans aliquid supra sortem exigere potest si exinde detrimentum aliquod patitur, sive sit lucrum quod proximè cesser, siue sit damnum aliquod quod superveniat.

V. Josephi Marfatelli

mp





